

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

Inter-com d.o.o. Zenica, Vrandučka 71b, ID broj: 4218087760006, kojeg zastupa direktor Safet Škaljić (u daljem tekstu: Dobavljač)

Zaključili su:

UGOVOR O NABAVCI KLIMA UREĐAJA

Član 1.

Predmet ovog ugovora je nabavka klima uređaja sa ugradnjom za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu odluke broj: 02-11-4-6359/21 od 21.09.2021. godine.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: 281-21-AB od 27.09.2021. godine i na osnovu koje je i sačinjen ovaj ugovor.

Ponuda Dobavljača broj 281-21-AB od 27.09.2021. godine je sastavni dio ovog ugovora.

Član 3.

Ukupna vrijednost predmetne nabavke iznosi do 2.640,00 (dvijehiljadešeststotinačetdeset i 00/100) KM bez PDV-a.

Cijena i ostali elementi ovog ugovora se ne mogu mijenjati.

Član 4.

Dobavljač se obavezuje da će robu iz člana 1. ovog ugovora isporučiti i ugraditi najkasnije u roku od 7 (sedam) dana od dana prijema narudžbenice, na adresu Ugovornog organa, koja će Dobavljaču biti dostavljena odmah nakon obostranog potpisivanja ugovora.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime izvršene nabavke iz člana 1. i 2. ovog ugovora.

Član 5.

Prilikom isporuke robe i ugradnje koja je predmet ovog ugovora, Dobavljač je dužan dostaviti otpremnicu/radni nalog za isporučenu i ugrađenu robu (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu i ugradnji robe otpremnicu/radni nalog potpisuje i ovlaštena osoba Ugovornog organa, zadužena za prijem robe u magacinu.

O isporučenoj i ugrađenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica/radni nalog). U zapisnik se unosi količina isporučene i ugrađene robe te evidentiraju mogući vidljivi nedostaci na istoj.

Član 6.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe i izvršene usluge ugradnje, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Dobavljač se obavezuje priznati reklamaciju na kvantitet i kvalitet isporučene robe i izvršene usluge ugradnje, koja će biti propraćena zapisnikom o reklamaciji, uz obavezno navođenje

nedostataka i datuma i broja računa (otpremnice/radnog naloga) Dobavljača kako bi se zadovoljili uslovi reklamacijskog roka.

Dobavljač se obavezuje reklamiranu robu isporučiti sa uslugom ugradnje u što kraćem roku, koji će se zapisnikom o reklamaciji utvrditi.

Roba će se smatrati uredno isporučenom i usluga izvršenom kada u zapisniku o prijemu bude konstatovano "isporuka i prijem sa ugradnjom izvršeni bez primjedbi".

Član 7.

Plaćanje za isporučenu robu će se vršiti u roku od 30 (trideset) dana od dana uredne isporuke i ugradnje robe i dostavljanja fakture, na tekući račun Dobavljača.

Član 8.

Ukoliko Ugovorni organ ocijeni da isporučena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 9.

Na sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.

Eventualno nastale sporove pri realizaciji ovog ugovora, Ugovorne strane će rješavati sporazumno.


U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 11.


Ovaj ugovor je zaključen kada isti potpišu obje ugovorne strane i traje do uredne realizacije ugovorenih obaveza obje ugovorne strane, a najdalje do 31.12.2021. godine.

Član 12.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.


DOBAVLJAČ
Inter - com d.o.o Zenica

direktor
Safet Škaljić


UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj :

394-12/21

Datum:

20.12.2021.god

Broj: 02-11-4-6359-3/21

Datum: 14.12.2021. godine